

Կայսերական հրովարտակառ : Այլ Յակոբ Կաթուղիկան էջմիածնի ոչ անսացեալ Կայսերական հրամանին, սկիզբն արարեալ 'ի Կարնոյ, եհաս մինչեւ 'ի Զմիւռին քաղաք : Ժողովելով զամենայն Կաթուղիկոսական հասս, որք պատկանին Եղիազարու . և եղև մեզ զրկանք մեծ . խռովութիւն և երկպառակութիւն 'ի մէջ ժողովրդոց . այժմ անցի այրն 'ի դատաստան 'ի ձեռն ոստիկանի . և յետ օրինաւոր քննութեան, գրեսցի հաշիւ դրամոց ժողովելոց, և ըստ ցուցանելոյ հաշուոյն, տացեն հասոյթքն 'ի ձեռս Եղիազարու, եւ որ ինչ յաւելցի՝ տացի տումարակալին Դամասկոսի : Գրեցաւ հրովարտակ առ կուսակալն Դամասկոսի և առ դատաւորն Երուսաղէմի, առնել այնպէս, որպէս խնդրէինն . 'ի \ Շէվիլալ ամսոյ՝ \ ՎՂ (1666) :

Դարձեալ զիր գանկատանաց 'ի ժողովրդոց Կոստանդինուպօլսոյ եւ 'ի գլխաւորաց վեց եկեղեցեաց առ Եսպրօսն, վասն Կաթուղիկոսին էջմիածնի և Նուիրակոց նորին, զի իւրաքանչիւրք 'ի նոցանէ ասեն ժողովեալ աւելի քան 40,000 դահեկանս տանին 'ի Պարսկաստան . զի 'ի ժամանել նոցա 'ի վանօրայս ուտեն և ըմպեն եւ կողոպտեալ զնոսա առաքեն յաշխարհն Պարսից, յորոց ծանրացան 'ի վերայ նոցա չարիք եւ անկարգութիւնք : Իսկ Եղիազար Կաթուղիկոս, որ խոստացաւ տալ 'ի գանձն Արքունի 15,000 փողս, սակս դիւրութեան և օգտի եկեղեցականաց, և ազատ պահելոյ 'ի վտանգէ կորստեան զամենայն կալուածքս, և ձրի բաժանելոյ զՄիւռոնն : Գրեցաւ հրովարտակ առ կուսակալն Դամասկոսի և առ դատաւորն նստիլ Եղիազարու յԵրուսաղէմ . օրհնել զՄիւռոնն, լինիլ խնամակալ, արգելուլ զնուիրակս Յակոբայ Կաթուղիկոսին : Եւ յետ միոյ ամսոյ դարձեալ ամբաստանութիւն գլխաւորացն Հայոց 'ի Կոստանդինուպօլիս, զնուիրակոց էջմիածնի, զի բարձեալ էր սովորութիւնն չբաժանել նոցա զՄիւռոնն, այլ Յակոբ Կաթուղիկոս անաստ գտեալ հրամանին, առաքէր զնուիրակս, և առնոյր զտուրս 'ի Հայոց, զի նուիրակունք սպականեն և կորուսանեն աւեն զկալուածս վանօրէից, և զկտակեալ ինչս գողացեալ տանին յաշխարհն Պարսից, եւ առ 'ի վերձ կացուցանելոյ զստացուածս Երուսաղէմի, զորս կտակաւ եղեալ եմք անդ, կարեւոր էր մեզ